

Date – 25/08/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Ni 2 awh Mizoram State Legislative Assembly 9-na thutkhawm vawi 7-na chu Speaker Pu Lalbiakzama kaihhruaiin vawiin khan tan a ni.
- 2. Eptu member, East Tuipui bialtu Pu Ramthanmawia'n Electric smart meter chhui chian ngai a tih thu sessionah a sawi.
- 3. Prime Minister Narendra Modia chuan UPI chu India tana khawl kaltlanga sum chetvelnaah bung thar ropui tak kaina a ni a ti.
- 4. Council of Scientific and Industrial Research-National Aerospace Laboratories(CSIR-NAL) chuan tualchhung siam micro leh small gas turbine engine chi thum a tlangzarh.

<><><>

ASSEMBLY

Mizoram State Legislative Assembly 9-na thutkhawm vawi 7-na chu Speaker Pu Lalbiakzama kaihhruaiin vawiin chawhma dar 10:30 khan tan a ni a, kumin July ni 4-a thi Mizoram State Legislative Assembly Member hlui Pu F. Malsawma sunna hun hman a ni.

House Leader, Chief Minister Pu Lalduhoma'n Pu F. Malsawma chanchin leh sunna thu a sawi hnuah Eptu Leader Pu Lalchhandam Ralte-in sunna thu sawi ve lehin, Eptu member Dr. R. Lalthangliana, Pu C. Ngunlianchunga, Dr. K. Beichhua bakah rorellai member, Minister Pu Vanlalhlana, leh Dr. Vanlalhlana ten sunna thu an sawi bawk.

Sunna hun hman a nih hnu ah zawhna leh chhanna hun hman zui nghal a ni a. Zawhna leh chhanna hun hman a nih hnuah rorellai member Pu TBC Lalvenchhunga motion putluh - State Institute of Hotel Management building sak zawh tawh, hun rei tak chhung hman lohva awm hi tualchhung mi ten tangkai zawka an chhawr theihna turin chak taka hmalak ni se. A tul a nih chuan outsource turin emaw, GAD hnuai 'The Mizoram Government Land Pooling and Management Scheme' anga a tul anga hman tangkai turin chak taka bawhzui ni rawh se, tih chu member ten an sawiho hnuah an pawm a ni.

Vawiin hian House dawhkanah lehkhaw pawimawh hrang hrang pharh niin, report tur pawimawh te report a nih bakah bill chi hrang hrang putluh te an sawihovin an pawm bawh.

<><><>

SESSION- SCHOOL PROVINCIALISE

School Education Minister Dr Vanlalhlalan school hrtang hrang dinhmun siam kawngah hmalak zui zel a ni a ti a, Cabinet a pharh a nih hnuah ngaihtuahna sen mek a ni a ti.

Vawiin sessiona member hrang hrangte zawhna chhangin Dr Vanlalhlalan chuan school dinhmun hrang hrang siam kawngah hma an lak laiin thenkhat chu zirlai zaa 20 em pawh pass pui theilo, school building pawh nei lo, zirlai pawh neilo te chu sorkara lakluh an ba em tih an ngaihtuah a ti a, hetihlai hian school thenkhat te erawh tehna hrang hrang hmanga teh mek a ni a ti.

Sorkar kaltain private school/Adhoc aided leh a dangte provincialised tura a lo tih tawh zingah - Higher Secondary School 12, High School 34 leh Elementary School 5 provincialise an nih tawh thu sawiin School provincialise na atana sorkarin tehfung hrang hrang a hman te a tarlang a, School provincialise tawh te bak pawh provincialise leh tumna a awm a ni a ti.

<><><>

CALLING ATTENTION MOTION

Eptu member, East Tuipui bialtu Pu Ramthanmawia'n Electric smart meter chhui chian ngai nia a hriat chungchangah vawiin khan sessionah a pu lut.

Pu Ramthanmawia chuan, mi tamtak manganna smart meter hi ram hnuk khawih thil leh chungkaw tin nghawng a ni a ti, sorkar laipuiin electric pekchhuahna tih changkanna RDSS scheme a tlangzarh hnuah ramchhungah smart meter hman tur tih a ni a, nikum atang khan Mizoramah Sapnam Global Infra Project Ltd ten Mizoramah smart meter vuah hna an thawk tan a, kumin kumtir atangin smart meter consumer te chu smart reading bill thar pekchhuah tan an ni a, chu bill thar chu mi tamtak phurrit leh manganna a lo ni ta a, a let thum a let li lai te in bill hi a pung a, heti em em a bill pung chak hi mipuite rawkna a ni a ti.

Pu Ramthanmawia chuan hetiang a bill sang chak em em hi enfiaha siamtha leh lova sorkarin mipuite a hmanluh tir zel anih chuan buaina leh harsatna nasa tak a hring chhuak thei hial ang tih a hlawuhawm a ni a ti. Eng chhit man sorkarin a tisang lo a tih thin chu a rukin a tisang reng a ni zawk em tih chu a zawhna a ni a, chhui ngei a enfiah ni se a duh tih a sawi a ni.

Smart Meter hman chungchang hi chhangin House Leader Chief Minister Pu Lalduhoma chuan sorkar laipui thuchhuak angin, tih ngei ngei tur a ni a, bill san theihna chhan hrang hrang hi a awm a, meter hman lai dik tawh lo a tam a, smart meter ah hian bill dik tak siam anih tak avangin a lo sang thei a ni a ti a, smart meter vuah hun a laklawh avanga bill sang emaw kalsual te a awm thei bawh a, hengte hi thuneitute hnenah a thlen theih a ni a ti. Electric Dept atanga phalna la hmasa lova

mahni a lo la te pawh a nghawng thei baw k a, chuvang chuan meter khawih chinpen thlengin a hmuh avangin, bill a tisang thei a ni a ti baw k.

(Hruaia Aizawl PTC)

<><><>

AGRI MINISTER :

Agriculture & Farmers' Welfare Minister Pu PC Vanlalruata'n School of Agricultural Sciences (SAS), Hnahthiala Instructor te teaching allowance (training allowance) tur chungchang Finance department-ah vawihnih thlen a nih tawh thu leh Finance department chuan sorkarin Pay Commission a din huna ngaihtuah tura a rel thu a sawi.

Assembly session vawiina neiha zawhna chhangin he thu hi Agriculture & Farmers' Welfare Minister chuan a sawi a. SAS, Hnahthiala Instructor te teaching allowance (training allowance) tur chungchang chu Subject Committee-III duh dan anga Finance Dept-a thlen a nih thu a sawi baw k.

Agriculture Minister chuan SAS, Hnahthialah hian IT-ah KVK Hnahthial atangin Computer Programmer-in class a pek thin thu leh honorarium pek a nih loh thu pawh a sawi a. Hei hi Director leh Senior Scientist & Head, KVK Hnahthial ten an ruahman anga kalpui a nih thu a sawi baw k a ni..

(CORR Nuteii)

<><><>

ASSEMBLY FINANCIAL COMT

Assembly Financial Committee hrang hrang pali - Public Accounts Committee, Estimates Committee, Committee on Public Undertakings leh Committee on Local Fund Accounts te chu September ni 4, 2026-ah term an tawp dawn avangin an Chairman theuh ten committee thar thlang tura House remtihna an dilna chu House-in a remti.

Assembly Financial Committee hrang hrang pali thlanna tura nomination te chu dawn kim a nih tawh thu Speaker chuan a sawi a. Inthlan kher ngai lova inremsiam theih a nih chuan a result chu hun remchangah puan a nih tur thu a sawi baw k.

Assembly Financial Committee hrang hrang te hi thla 30 chhung atan thlan thin an ni a. Tuna term kallai-ah Public Accounts Committee Chairman chu Eptu Leader Pu Lalchhandama Ralte niin, Estimates Committee-ah rorellai member Pu Lalmuanpuia Punte chu Acting Chairman a ni a. Committee on Public Undertakings-ah rorellai Pu H. Ginzalala'n chu Chairman ni mekin, Committee on Local Fund Accounts-ah rorellai member baw k Dr. Lorrain Lalpekliaana Chinzah chu Chairman a ni.

(Nuteii CORR)

<><><>

MUHCS

Kumin April ni 1 atanga MUCHS 2.0 kalpui a nih hnuah August ni 24 khan Mizoram Health Care Society chuan damlo 31,832 a thlawna an inenkawlina atan Cheng Vbc 25 a pe chhuak leh a, a vaia pekchhuah tawh zawng zawng hi Vbc 99.60 a tling tawh a ni.

Mizoram State Healthcare Society hotute chuan sorkar kum kal mekah MUHCS 2.0-ah hian MUHCS kalpuitu damdawi-inte hnenah damlo an enkawlina senso rulh nan cheng Vbc 99.60 an pek chhuah tawh thu leh hei hi damlo 31,832 enkawlina senso a nih thu an sawi a ni. Healthcare Society hotute chuan damlo bill an dawn reng thu leh a tahtawl t   t  in pawisa an pek chhuah zel thu an sawi an sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

BANA KAIH PROJECT

Mizoram Assembly Session fur thutkhawm tanni vawiin khan Tawi Bialtu MLA, Minister Prof.Lalnilawman a bial chhunga “Artuia Intodelhna tur Bana Kaih Project” kalpui mek atanga, a bial mipuite thar artui chu vawiin khan MLA te a thartem a ni.

He project hi Prof.Lalnilawma’n a MLA fund hmanga a kalpui niin, he project hnuafia beneficiary te chu MLA fund kaltlangin Ar In sakna tur Rangva pek an ni a. Ar note man zaa 75 chu MLA Fund atangin pek an ni a, zaa 25 chu beneficiary ten an tum thung a. Ar chaw man chu thla 5 chhung atan zaa 75 chu MLA Fund atanga pek chhoh mek zel a ni bawk.

Tunah hian Tawi Bial chhunga he project beneficiary te hian an artui tharchhuahte an hralh chhuak tan mek a ni.

(Nuteii CORR)

<><><>

UPI

Vawiin Unified Payment Interface (UPI) kum 10 tlinna puala a thuchahah Prime Minister Narendra Modia chuan UPI chu India tana khawl kaltlanga sum chetvelnaah bung thar ropui tak kaina a ni a ti. Social Media ah he thu hi tarlangin Pu Modia chuan ramchhung mipuite chu UPI avanga awlsamna an neih te tarlang ve tura sawmin India mipuite tana thil chhuanawm tak anih thu a sawi. UPI hi kum 2016

vawiin angah khan hawn niin ramchhunga digital payment lamah nasa takin hmasawnn a thlen a. Khawvel huap pawha ngaihven leh fak hlawh a ni a. TRunah hian hian ram 11 ah hman ve a ni tawh a. UPI kaltlanga sum chevel hi nasa takin a thang a. Kum 2016-27 ah cheng vaibelchhe 1.78 atangin kum 2025-26 ah chuan cheng vaibelchhe sing 2 sang li leh 162 chuang hu a che tawh a ni.

(Newsonair)

<><><>

CSIR

Council of Scientific and Industrial Research-National Aerospace Laboratories(CSIR-NAL) chuan tualchhung siam chi micro leh small gas turbine engine chi thum a tlangzarh. Heng engine te hi NJ-05,NJ-50 leh NJ-100 te an ni a. Heng engine te hi ralthuam lama thiamna mamawh chi hrang hrang puhrukna kawng khat anih thu Defence Ministry chuan a sawi a. Mihring khalh ngai lo thlawhna te chi ahte, drone lo bei tur leh missile te chi ah te tangkai taka hman tur anih thu a tarlang bawh a ni.

(Newsonair)

<><><>